

Zašto učenici rade NAPLAN?

Nacionalni program za ocjenjivanje pismenosti i numeričkog znanja (National Assessment Program – Literacy and Numeracy) skraćeno NAPLAN, ocjenjuje poznavanje pismenosti i numeričkog znanja, što je od suštinskog značaja za napredak u školi i u životu za svako dijete. Učenici 3., 5., 7. i 9. razreda učestvuju u godišnjim NAPLAN testovima iz čitanja, pisanja, jezičnih konvencija (pravopisa, gramatike i interpunkcije) i numeričkog znanja.

Ova ocjena pruža roditeljima i školama saznanje o tome kako pojedini učenici obavljaju svoje zadatke u vrijeme testiranja. NAPLAN je samo jedan vid procesa školskog ocjenjivanja i izvještavanja - on ne zamjenjuje stalno ocjenjivanje rada svakog učenika od strane nastavnika.

NAPLAN također pruža školama, obrazovnim institucijama i vladama informacije o tome kakav učinak imaju obrazovni programi i da li mladi Australci postižu važne obrazovne ishode iz pismenosti i numeričkog znanja.

Šta se ocjenjuje?

NAPLAN ocjenjuje poznavanje pismenosti i numeričkog znanja koje učenici stiču u okviru redovnog školskog programa. Sva državna i nedržavna obrazovna tijela doprinijela su u izradi materijala za NAPLAN.

U 2019-oj godini većina učenika u cijeloj Australiji će raditi NAPLAN online.

Povratne informacije u prvoj godini testiranja NAPLAN-a Online pokazale su da su se učenici dobro uključili u online procjene. Jedna od glavnih prednosti NAPLAN Online je prilagođeno (ili adaptivno) testiranje, gdje se test automatski prilagođava učenikovom radu na testu. Test postavlja pitanja više ili manje složenosti, u zavisnosti od učenikovog rada.

Prilagođeno (ili adaptivno) testiranje je dizajnirano da ocijeni širi spektar sposobnosti učenika i da preciznije izmjeri postignuća učenika. Vaše dijete ne bi trebalo da bude zabrinuto ako pitanja budu teža nego obično; možda ono radi složeniji test. Ukupni NAPLAN rezultat učenika zasniva se na broju i složenosti pitanja na koja ispravno odgovori.

NAPLAN Online nije test poznavanja korištenja tastature. Postoje razlike u tome koliko učenik može brzo i dobro tipkati – isto kao što postoje i razlike u tome koliko brzo i dobro učenik može pisati rukom. Učenici 3. razreda će i dalje raditi test pisanjem na papiru.

Da biste dobili ideju o tome kako izgleda online procjena, posjetite stranicu za javnu demonstracijsku na nap.edu.au

Kako mogu pomoći svom djetetu da se pripremi?

Pomozite djetetu da se pripremi tako da ga uvjerite da je NAPLAN samo dio školskog programa i podsjetite ga taj dan da jednostavno uradi onako kako najbolje zna. Nastavnici će se pobrinuti da učenici budu upoznati s vrstama pitanja na testovima i pružice im odgovarajuću podršku i uputstva. Obaveza da učenici nauče kako da koriste uređaje, tipkaju na njima i koriste razne programe, dio su učenja i obaveze australskog nastavnog programa od prve godine školovanja.

ACARA ne preporučuje pretjerane pripreme za NAPLAN niti dodatno podučavanje. NAPLAN se bavi procjenom napretka u učenju pismenosti i numeričkog znanja.

Da li će moje dijete raditi NAPLAN testove na papiru ili online?

U 2019., vaše dijete će raditi NAPLAN testove online. Međutim, djeca u nekim drugim školama u Australiji će ove godine raditi NAPLAN testove na papiru. Ministri obrazovanja federalnih, državnih i teritorijalnih vlasti složili su se da će sve škole preći na online test do 2020. godine. Državne i teritorijalne obrazovne vlasti će odrediti kada će njihove škole preći na online.

Budući da se učenici ocjenjuju po istom sadržaju nastavnog plana za pismenost i numeričko znanje, bez obzira na to da li su završili test online ili na papiru, rezultati za oba formata mogu se prijaviti na istoj skali procjene NAPLAN-a. Da biste saznali više o NAPLAN Online, posjetite nap.edu.au

Učešće u NAPLAN-u

Očekuje se da će svi učenici 3., 5., 7. i 9. razreda učestvovati u godišnjim NAPLAN procjenama.

Učenici sa invaliditetom mogu imati pravo na prilagođavanja koja su odraz podrške koja se inače pruža u razredu kod ocjenjivanja. O bilo kakvim potrebama prilagođavanja za vaše dijete trebali biste najprije porazgovarati s djetetovim nastavnikom.

Formalno izuzeće može se odobriti učeniku s intelektualnim invaliditetom koji ozbiljno ograničava djetetovu sposobnost da učestvuju u ocjenjivanju, ili učeniku koji je nedavno došao u Australiju i iz zemlje je u kojoj se ne govori engleski jezik.

Direktor škole i lokalno tijelo nadležno za testiranje može vam dati više informacija o prilagođavanju za osobe s invaliditetom ili procesu za dobivanje službenog oslobađanja od testiranja.

Raspored NAPLAN-a Online 2019.

Period za NAPLAN Online produžen je sa tri dana, koja se daju za test na papiru, na devet dana. To je zato da bi se školama omogućila veća fleksibilnost u rasporedu i prilagodilo školama koje imaju manje uređaja. NAPLAN Online ocjena počinje u utorak, 14. maja i završava u petak, 24. maja.

Online testovi se moraju obavljati po sljedećem redoslijedu:

Test	Trajanje	Redoslijed	Podaci
Pisanje	3. razred: 40 min. 5. razred: 40 min. 7. razred: 40 min. 9. razred: 40 min.	Mora se završiti u prva dva dana	Učenici 3. razreda rade test na papiru samo prvi dan
Čitanje	3. razred: 45 min. 5. razred: 50 min. 7. razred: 65 min. 9. razred: 65 min.	Mora se završiti nakon testa pisanja	Učenici čitaju čitav niz informativnih, maštovitih i uvjerljivih tekstova
Jezične konvencije	3. razred: 45 min. 5. razred: 45 min. 7. razred: 45 min. 9. razred: 45 min.	Mora se završiti nakon testa čitanja	Ovaj test uključuje pravopis, gramatiku i interpunkciju
Numeričko znanje	3. razred: 45 min. 5. razred: 50 min. 7. razred: 65 min. 9. razred: 65 min.	Mora se završiti nakon testa jezičnih konvencija	Ovaj test uključuje broj i algebru; mjerenje i geometriju; i statistiku i vjerovatnoću

Šta ako je moje dijete odsutno iz škole u dane kada se obavlja procjena?

Ako je moguće, škole će organizovati da se za pojedinačne učenike koji su bili odsutni za vrijeme testa obavi propušteno testiranje u neko drugo vrijeme tokom školskog rasporeda testiranja. Pojedinačni učenici nemaju pravo raditi NAPLAN Online testove nakon petka, 24. maja 2019.

Kako se mjeri postignuti uspjeh mog djeteta?

Postignuti uspjeh pojedinačnog učenika prikazan je na skali postignutog uspjeha za svaku procjenu. Rezultat na minimalnom nacionalnom standardu ukazuje da je učenik pokazao osnovno znanje iz pismenosti i numeričkog znanja koje je potrebno da može u potpunosti učestvovati na nivou tog razreda.

Pojedinačni izvještaj o NAPLAN rezultatima pojedinačnih učenika izdaje škola kasnije tokom godine. Ako ne dobijete izvještaj, kontaktirajte školu.

Kako se koriste rezultati NAPLAN-a?

- Učenici i roditelji mogu koristiti pojedinačne rezultate da s nastavnicima razgovaraju o djetetovom napretku.
- Nastavnici koriste ove rezultate da bi bolje mogli utvrditi kojim učenicima je potreban veći izazov ili dodatna pomoć.
- Škole koriste rezultate da utvrde prednosti i nedostatke nastavnih programa i da postave ciljeve u učenju pismenosti i numeričkog znanja.
- Školski sistemi koriste rezultate da bi izvršili reviziju programa i pomoći koja se nudi školama.
- Prosječni rezultati škole u NAPLAN-u mogu se vidjeti na myschool.edu.au

Gdje mogu dobiti više informacija?

Za više informacija o NAPLAN-u:

- kontaktirajte školu svog djeteta
- obratite se lokalnom tijelu za provođenje testa na nap.edu.au/TAA
- posjetite nap.edu.au

Za informacije o tome kako ACARA rukuje osobnim podacima za NAPLAN, posjetite nap.edu.au/naplanprivacy